

جریدہ علیہ

مشيخت جليلہ اسلاميہ نك بصريہ ر سيمه ميديرو

ذی الحجہ سنہ ۱۳۲۹

عدد ۶۸

شديدك آيدہ بر نشر اولنور

آلنهي

دارالحکمة الاسلاميه نشریاتی

(دارالحکمة الاسلامیه نك نشر ایلدیکی بیاننامه)

له الحمد والمنه شهر مغفرتك عشر اخيرينه داخل اولمقله مشرف اوليورز . عشر اخير
بيك آيدن خيرلى اولدينى نص ميين ايله ثابت بولان ليله جليله قدرى احتوا ايلمكده در .
جلالت شانى محتاج بيان اوليان بو شرف عظيمك رمضان كيجهلرندن هانكيسنه خاص
اولدينى صورت قطعده معلوم دكلسده عشر اخيرك تك كيجهلرندن برينك ليله جليله
قدر اولسى محتمل و بولر ميانده بالخاصه يكرمى يدنجي كيجهنك بوشرفه مظهرتله امتيازى
قويآ ملحوظدر . بوليله جليله مؤمنين ايجون حقيقه اغنامه سزا بر فرصت مبعجله اولديغندن
زده او مبارك كيجده باركاه احديته توجهله صورى ومعنوى درد لر يمزك دواى يكانه سى
اولان لطف و مرحمت الهيه التجا ايله جك اولور سق تضرعائزك قبول الهى به مظهرتى
قويآ مأمولدر . بر ديقه سى بيله كيسه نك تحت ضمانده اولمايان قانى ، سريع الزوال بر حياتك
دغدغه سنه قايلوب ارتكاب معاصيده اصرار ايتك ، مذموم بر غفلتك الجاسيله اوقات
عزيزه يي هدر ايتك قدر آلم بر خسران اوله ماز . كونلر بك چابوق كچمكده ، كچن سنه
بو ليله مباركيه يتيشن اخوان دينزدن بر چوغنك اسمى بو سنه رحمتله ياد ايدلمكده در .
بوجهقى تأمله بر آرز ، منصفانه معتدلا نه حركت ايتك ، الدن كلديكى مرتبه رضاي بارى يي
تحصيله چاليشمق لازم گلزمى ؟

هر مناسبدن بالاستفاده تكرر ايدلديكى وجهله بزم ايجون صورت قطعده ياپيله جق
برشى وارسه اوده معشر مسلمينه موعود اولان سعادت دنيويه و اخرويه نك آنجق و آنجق
حبل متين دين مينه تمسكه تأمين ايديله بيله جكسه بك قوى براعتقاد ايله معتقد اولمقدن ،
بو اعتقادك ايجابات فعليه سنى بلا تعلل اجرا ايلسكدن عبارتدر .

ملكتمزده مستولى اولان بلايانك اندفاعى ريمز تعالى و تقدس حضر تلرندن نياز
يوزيمز اوله بيلمك ايجون بر آرز دكل ، كركى كبي اصلاح نفسيه ، تبديل اخلاقه محتاج
اولديغمز قابل انكار دكلدر . حال بويله ايكن ار ككلمر يزدن بعضلرى هواى نفسانيلرينه
اتباع خصوصنده كنديلرني مطلق العنان كورمك ، بعض قادين وقيرلر يمزده شرع شريفك

امر ایتدیکی آداب نسویه قارشى رعایتسزلیکده بولونمق ایستیورلر . امین اولمی زکه ، بوفعللر ندامتی موجب اوله جقدر .

وطنمز شهدای مسلمینک قانلری ایله اسقا ایدلیکده ؛ هر کون بیکلرجه فلاکتزده دارالحلافه نك جناح رآفته التجا ایچون آقین آقین کلکده ایکن نرم وظیفه مز هوای نفسه متابعت دکل ، بلکه فلاکتزدکانک معاونته مسارعت ایلکدر .

زمان يك اوقدر مغلوب غفلت اولمغه مساعد بولونمديفندن دینی ، اخلاقی ، اقتصادی وظائفمزی ادراك ایله عصرک ایجابات مبرمه سنه کوره حرکت ایتک ، هر حال وکارده اسلامیتک بزه امر ایتدیکی وقار وجدیتدن آیریلیوب ظهور آثار رحمته مترقب اولمق عهدده مزه ترتب ایدن وجانبک اهم واقدمیدر . من الله التوفیق .

(علم کلام)

[۵۹] نجی نسخه دن مابعد

— عرض —

اقسام حادیدن (عرض) ایکی قسمدر . یا ذی حیاته مختصدر . حیات واکا تابع اولان علم ، اراده ، قدرت ، کلام وحواس ظاهره نك بریسیله احساس کبی .

یاخود ذی حیاته مختص دکلدر . اکوان اربعه ایله کیفیات محسوسه کبی .

(اکوان اربعه) حرکت ، سکون ، اجتماع ، افتراقدر .

(کیفیات محسوسه) ده حرارت ، ضیا ، صوت ، طعم ، رایحه کبی حواس ظاهره ایله محسوس اولان شیلردر .

(حرکت) کونان فی آنین فی مکانین یعنی ایکی آنده ایکی مکانه ایکی حصولدر . یاخود

برجسمک برمکاندن مکان آخره انتقال ایتسیدر .

(سکون) کونان فی آنین فی مکان واحد یعنی ایکی آنده برمکانده ایکی حصولدر .

یاخود برجسمک بولوندینی محله قرار ایتسیدر .

حرکت ایله سکون متکلمینه کوره ایکی امر موجود اولوب برموضعده برآنده جهت

واحدده دن ایکیبی برابر بولنه مدقلرندن بینلرنده تقابل تضاد واردر .

حکمایه کوره حرکت : الخروج من القوة الى الفعل علی سبیل التدریج یعنی قوه دن

فعله تدریج طریقله خروج ایتکدر . سکون ایسه عدم الحركة عما من شأنه ان یحرک .